





(12.)

DISSERTATIO MEDICA
INAUGURALIS,
DE
FEBRE INTERMITTENTE.

Digitized by the Internet Archive
in 2015

DISSERTATIO MEDICA
INAUGURALIS,
DE
FEBRE INTERMITTENTE;

QUAM,
ANNUENTE SUMMO NUMINE,
EX AUCTORITATE REVERENDI ADMODUM VIRI,
D. GEORGII BAIRD, SS. T. P.
ACADEMIÆ EDINBURGENÆ PRÆFECTI;

NECNON
AMPLISSIMI SENATUS ACADEMICI CONSENSU, ET
NOBILISSIMÆ FACULTATIS MEDICÆ DECRETO;

Pro Gradu Doctoris,
SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS,

ERUDITORUM EXAMINI SUBJICIT

ARTHURUS WEST,
Hibernus.

AD KALENDAS AUGUSTI, HORA LOCOQUE SOLITIS

EDINBURGI:
EXCUDEBAT P. NEILL.

MDCCCXXV.

AMICO SUO ET COGNATO DILECTO,

HENRICO IRWIN, M.D.

NOSOCOMIORUM MILITARIUM

SCRUTATORI LEGATO,

LEGIONIS MILITIÆ VIGESIMÆ SECUNDÆ

CHIRURGO,

NECNON

VALETUDINARII SLIGENSIS

MEDICO,

CUJUS SUB DUCTU ET AUSPICIIS

ARTIS APOLLINARIS PRIMORDIA INIVIT,

ET QUI IN SE PLURIMA BENEFICIA

SEMPER MEMORANDA CONTULIT,

HAS PAGINAS

INSCRIBIT

AUCTOR.

THE HARRISBURG LABORATORY

REPORT OF THE HARRISBURG LABORATORY

FOR THE YEAR 1881

BY J. H. HARRIS

HARRISBURG, PA.

1882

PRINTED BY

J. H. HARRIS

HARRISBURG, PA.

1882

BY J. H. HARRIS

HARRISBURG

PA.

Doctor Woodford, with
the compliments of the
author.

PATRI SUO DILECTO,

VIRO REVERENDO CAROLO WEST,

PAROCHIE AHAMPLISH, IN COMITATU SLIGENSI,

SACERDOTI VICARIO,

HANC DISSERTATIONEM,

PIETATIS ET REVERENTIE,

OB MULTA CURÆ INDULGENTIEQUE

PATERNÆ PIGNORA ACCEPTA,

TESTIMONIUM,

SACRAM VOLUIT

FILIUS

AUCTOR.

DISSERTATIO MEDICA

INAUGURALIS,

DE

FEBRE INTERMITTENTE.

ARTHURO WEST Auctore.

PROCEMIUM.

MORBORUM quibus genus humanum plectitur, historia causarum, ratio modusque medendi, locum inquirendi medico profecto latum, præbent; qui tamen indies ob scientiam, de his rebus accumulata minuitur; ideoque, hunc tractatum, in eo, non ut aliquid scientiæ jam comparatæ adjiciam, neque quidem, ut quodvis, adhuc obscuritate repressum in medium proferam, sed ut regulis Senatus Academici, quæ unumquemque summos Medicinæ honores ambientem, tentamen

inaugurale, de aliquo argumento medico, edere volunt, obtemperem; et quoniam Febris Intermit- tens, in comitatu ubi fere dego, etsi non ei indi- genosa, crebrescit, ad eam magis sedulo observan- dam, et pro hujus tentaminis argumento propo- nendam, perductus sum. Cum in memoriam re- vocamus, commeatum liberum inter varias mundi partes, præ cæteris, pro litus intercedentem, hunc morbum, sæpe homines invadere, vix mirum om- nino erit; et iste commeatus adeo cum necessita- tibus hominum usuque vitæ eorum involvitur, ut iis se ab ejus aggressu incolumes præstare, haud persuadere potest.

Quamvis paludes, cluviesque et gurgites cœ- nosi, in Hibernia pariter ac in Anglia, inveniun- tur, tamen morbus, de quo agitur, in partibus il- lius, ubi tales paludes sunt, penitus incognitus est; et hoc mirum et præclarum, eo comprobatur, quod in exemplis fere cunctis, morbus in Anglia, ortum habuisse reperiatur; neque in ullo tradito, originem in aliqua, partium regionis, supra me- morata, sumpsisse cognoscitur. Fatendum, qui- dem, est pauca esse exempla, ubi in illa regione, acciderit; non autem simul silentio præteriri de- bet, partes quasdam ejus ab istius vitii, invasione

proprus immunitatem habere. Hæc didici, dum duobus Dispensariis aderam, medico me docente, a quo profecto, primis medicinæ elementis, institutus sum, et ibi compluria Febris Intermittentis exempla, conspicienda occurrerunt, quæ quidem, originem suam ad Angliam retulerunt.

MORBI HISTORIA.

Febris, sensu vocabuli latiore accepto, haud, ob symptomata complexa, ita facile definiri queat; sed quoniam definitio Febris Intermittentis a Doctore CULLEN prolata, cæteris melior habetur, ad eam referre liceat:—"Febres miasmata paludum ortæ, paroxysmis pluribus, apyrexia saltem remissione evidente, interposita, cum exacerbatione notabili, et plerumque cum horrore, redeuntibus constantes; paroxysmo, quovis die unico tantum."

Hic morbus, ex paroxysmis, certis temporibus revertentibus, ab initio constat, remissione intercedente, sibi respondente, plerumque; at typi uniformitas, ob quædam casu accidentia, veluti, tempestatem, cælum, et præsertim corporis habitum, varietur. Diurnitas remissionis typis diversis

nomina diversa imposuit, verba gratia, “ Quotidiana, Tertianæ, et Quartanæ.” Distributio generalis in Intermittentes Regulares et Irregulares fit; at multæ aliæ præterea existunt, a rebus in ægro quolibet, præsentibus pendentes, quas limites hujus tractatus arctiores, rejiciunt. Tria stadia paroxysmum efficiunt, quæ sibi deinceps, ordine certo succedunt, et nomina, Frigidum, Calidum, et Sudans, prout, varia indicia cuique adsunt, habent. Sensus languoris generalis paroxysmi accessionem antecedit, qui oscitatione et pandiculatione, frequente, manifeste proditur; capitis dolor, nausea, sensusque frigoris, quoque comitantur. Stadium primum sive frigidum, a succussionibus rigoribusque, corporis diurnitatis vehementiæque variæ incipit. Hac conditione, functiones singulæ, plus minus turbantur; respiratio ob copiam sanguinis, ad pulmones derivatam, a statu summæ cutis constricta, multum impeditur. Functiones naturales, sub quo nomine, Secretiones, Excretiones et Concoctionem, complectimur, haud parum læduntur; postrema præcæteris, quod a nausea, vomituque sæpe præsentibus, satis superque monstratur: vomitus autem, cordis et arteriarum actione excitata, ideoque sta-

dio frigido finito, haud raro prodest; inde inter prima est, in hoc morbo curando, vomitorium remedium, exhibere. Stadium secundum sive calidum ei jam proxime descripto succedit, et vultu rubefacto itemque calore diffuso, mutationem in ægri conditione gratissimam inducente, notatur; nunc quoque corporis relaxatio generalis subit; functiones jam partim vigorem solitum recipiunt, et id respiratione melius peracta pulsuque saniore comprobatur. Renixus autem nonnunquam adeo vehemens est, ut excitationem vasculosam magnam, aliquando ad delirium usque provectam, efficiat; vasa secernentia et excernentia, actione sua plene recuperata, muneribus libere funguntur; unde oritur humiditas quædam in partibus singulis conspecta, quæ paulatim ad sudorem profusum; continuata, originem, tertio et postremo, id est sudanti stadio, præbet, et sic paroxysmum resolvit. Ex supra dictis, igitur, primum seu frigidum, duobus subsequentibus causam quare accedant, existere constat. Distributio hujus mali in typos suos propria, maxime medici interest, quippe quæ in prognosi prædicanda et interdum in prophylaxi instituenda, haud parum adjuvet.

Forma Quotidiana, rarissima, at sævissima, et

quod at typum attinet, maxime mutabilis, existit. Aggressus ejus mane invadunt, notis Quotidianæ veræ alienis sæpe comitantibus, cui porro juniores et fœminæ compagis mollioris et debilioris, præ cæteris, proclives fiunt CULLEN celeb. hanc ita definit:—"Paroxysmi similes, intervallo viginti
" quatuor circiter horarum, paroxysmis matutinis." Tertianæ, sive species secunda, sæpissime, quatenus ipse vidi, occurrit; plerumque vere apparet, hominesque ætate florentes, constitutione robusta, et vigente, et temperamento bilioso, ideoque diathesi inflammatoria, aggreditur. Hæc species circa meridiem invadit, et itaque talibus verbis a Doctore CULLENO definitur:—"Paroxysmi similes, intervallo quadraginta octo circiter
" horarum, accessionibus meridianis." Tertia, sive Quartana, pertinacissima et maxime tarda omnium est, scilicet, quam affectis cujusvis visceris, hepatis vel splenis præsertim, fere comitetur; ætatem constantem, et tempore pomeridiano aggreditur. De hoc quoque Doctor CULLEN ita dicit,—"Paroxysmi similes, intervallo septuaginta duarum circiter horarum, paroxysmis pomeridianis." Hic fortasse annotare licet, ad quasdam, ex observationibus præcedentibus, sta-

biliendas, quod de exemplis triginta quinque, me præsentē apud Dispensarium supra memoratum tractatis, quatuordecim Tertianæ essent, decem Quartanæ, et octo tantum Quotidianæ Intermit- tentes; cujus observationis, album ejus institutio- nis, argumentum et columen existet. Hæ spe- cies tres sæpe typum mutant; Quotidianis in Ter- tianas, et his in Quartanas conversis, imo a typo Intermittente ad formam Continuum (cui quidem Quotidiana maxime proclivis est), commigrare queant.

DE CAUSIS PROXIMA ET REMOTIS.

Causa Proxima.—Vera causa proxima ea, quæ vere morbum efficit et continuat; quæ si sublata fuerit, corpus morbo vacuum relinquit, haberi de- bet. Pathologi, tamen hunc morbum, non ita bene norunt, ut de eo tali modo, loquantur; id est, causa proxima istius adhuc, in atra caligine mersa, latet. Cum historiam, scientiæ medicæ, inspiciamus, multa de ea re, commenta proposita, inveni- mus; quæ tantum donec, ingenium animi aucto- rum, immensum patefacerent, duraverunt, alia-

que statim, his subrutis, provenere. Cum tantillum igitur inter scriptores, de hoc argumento constat, non potest esse, quin opiniones nostræ incertæ, et deductiones inde derivatæ, futiles omnino fiant. Secundum disciplinam Hippocraticam, e nisu naturæ, ad materiam morbificam, intra corpus genitam, per cutem ejiciendam, consistit : a BOERHAAVE lentori et visciditati humorum corporis, refertur ; et si HOFFMAN, STAHL, et CULLENO credimus, spasmo vasorum extremorum, ad corporis superficiem, causa proxima hujus mali recte attribuitur. Harum doctrinarum cujuslibet refutationem inire, a re nostra alienum foret ; ideoque mihi dicere sufficiet, commentum a CULLENO, ut opinor, hodie apud medicos præceptores maxime valere.

De Causis Remotis.—Has in classes duas, Prædisponentes, scilicet, et Excitantes, Pathologi distribuunt, quarum priores corpus tantummodo, ad morbum suscipiendum proclive reddunt, posteriores, morbum, in corpore sic jam proclivi facto, excitant, et utrisque concurrentibus, morbus vere adesse dicatur.

De Causis Prædisponentibus.—His annumeranda sunt omnia quæ corpus ipsum debilitant, a mente pariter ac corpore orta, veluti victus prævus, aquosus; vestes vel stragula madida, usus potionum meraciorum immodicus, venus nimia, concoctio cibi vitiata, cœli in regionibus calidis, intemperies, tristitia immoderata, pervigiliumque, et cætera quæ pari modo vires vitæ imminuunt. Proclivitas in aliquo adsit, nec tamen ille necessario vitio corripiatur; corpus enim causis excitantibus perpetuo objectum, iis resistere videmus; homo tamen pariter objectus, neque omnino proclivior, forte morbi vehementiam sentiat. Hoc a testimonio scriptoris jure celeb. comprobatur, qui dicit accolæ paludum, in Lindi comitatu in Anglia rarius hoc morbo plecti, quam qui regionibus aliis et altiis sitis advenerunt. Hujus morbi semina in corpore, aliquamdiu inertia neque suspecta jaceant; cujus facti, multa et quidem miseranda exempla conspexi in messoribus Hibernis qui in Angliam, fruges demetendi causa iverint, et mensibus Augusto, Septembri, Octobri vel Decembri ineunte, domum redeant, neque morbo ad menses Aprilium, Maium, Junium vel Julium sequentes usque ad, laborent. Consuetudo quoque

causa prædisponens, ducitur ; qui enim jam eo morbo ægrotarunt, illi redeunti, causa lævissima, veluti Euro spirante, vel gradu causæ excitantis minori, obnoxii sunt.

De Causa Excitante.—Inter physiologos hodiernos, miasma paludum, sive effluvium a vegetabilibus substantiis in stagnis vel campis palustribus, caloris actione, decompositis, ortum, solam unicamque Febris Intermittentis causam, excitantem, existere constat ; quæ sententia talibus argumentis comprobatur. Primo, homines, loca, ubi hoc miasma gignitur, adeuntes, Febre Intermittente plecti. Secundo, Regiones huic febris speciei obnoxias, paludibus desiccatis, et tali exhalatione sublata, salubres fieri ; et, tertio, hanc febrem in iis regionibus, quæ stagnis refertæ sunt, et certis temporibus inundantur, maxime valere. Quomodo, istius materiæ, modus operandi, explicandus sit, minime notum est ; neque notitiam de ejus dotibus chemicis pleniorē habemus, et talem subesse tantum ab effectibus, judicare licet. Haud secus ac de cæteris miasmatis, omnibus accidit, ut hoc concentratione validius evadit ; et siquando, corpori humano, in hac conditione admovetur, malum, de quo agitur, ciet. Doctor

CULLEN de hoc argumento talia fatur: "What
"the nature of this miasma is, we know not, nor
"do we certainly know, whether it differs in kind
"or not, but it is probable that it does not, and
"that it varies only in the degree of its powers,
"or, perhaps, as to its quantity, in a given
"space *."

Hæc materia per rivos aëris defertur, nec in
suppellectilis partibus fomites efficientibus, latere
queat; et in vi a nebulis nocturnis, præsertim si
dies prior æstu torridus fuerat, augeri videtur.

DIAGNOSIS.

Iis quæ jam dicta sunt, bene perpensis, mihi
saltem liquido constat, Febrem Intermittentem,
si modo, symptomata rite notata fuerint, vix cum
ullo morbo alio confundi posse. Forsitan tamen,
dicatur, quod cum Quartanæ et Tertianæ Inter-
mittentes, in Quotidianas, Quotidianæ in Remit-
tentes, et hæ denique in formam Continuam con-
verti queant, et exacerbationes et remissiones pos-

* Vide Prac. Ph. vol. i. s. 84. p. 84

tremarum eodem tempore quo Quotidianæ solebant accidere possint, haud parum difficile inter Quotidianam Intermittentem, et Remittentem, et Febrem Continuum, discrimen facere evadat; sed quoniam, vix aliquid beneficii e tali discrimine, quod ad prophylaxin vel curam attinet, proflueret, jam ad argumentum meum ulterius indagandum progrediar.

PROGNOSIS.

Quoniam multa ex indiciis, a pathologis morborum esse creditis, a naturæ conamine, morbum, sine salubri inducto, superare, oriantur; in præsagio edendi, vix nimis cauti esse possumus, et scientia nostra, ejus quod causa mortis ultima fiat, præcipue dirigi debemus. Res multæ, ad prognosin in Febre Intermittente, variam et incertam reddendam, conducunt; hujusmodi sunt, cœlum sub quo degunt homines, anni tempestas, temperamentum, et alia fortuita.

Coeli Tractus.—Intermittentes regionum tropicarum, plerumque inflammatione alicujus visceris comitantur, et si diuturnæ fuerint, in eandem

vetustam desinunt, ideoque periculosissima haberi debent. Raro ad exitum lethalem cito decurrunt ; attamen post aliquod temporis spatium, tanta debilitas supervenit, ut vim vitæ prorsus exsuperet ; aliquando nihilominus, decursum mediocrem peragunt, notæ tamen adeo sthenicæ, ut curatio fortior necessaria fiat. Turbationes viscerum chylopoieticorum, et organorum quæ alimenti concoctioni inserviunt, sæpe in regionibus calidis conspiciuntur, unde Diarrhœa, Dysenteria, hepatitis et splenis affectiones, indurationem vel inflammationem vetustam horum organorum, inducentes oriuntur.

Anni Tempestas.—Hæ cœli tractum, quod ad effectus, in intermittentibus haud parum refert. Febres vernales formam plerumque Sthenicam, autumnales vero, Asthenicam, accipiunt. Quo calidior et siccior temperies fuerit, eo magis concentratum virus erit, ideoque actio ejus, in corpus vehementior ; dum contra, anni tempestate præter solitum pluviali accidente, miasma adeo ut pene iners fiat, diluitur.

Ægri Temperamentum. — Constitutiones hominum, vel potius Temperamenta, ut secundum artem vocantur, tam diversa, inter se invicem,

existunt, quam morbi quibus singuli obnoxii sunt, et ab aliquo humorum genere præ cæteris valente, varia nomina, veluti, sanguineum, biliosum, phlegmaticum, &c. sibi adepta. Hæc bene novisse medici haud parum refert, quoniam compagem humanam, quod a morbis quibusvis proclivitatem inducendam, vel remediorum in eodem effectus attinet, multum afficiunt. Temperamentum sanguineum, ob actionem virium sanguinem moventium præ cæteris valentem, febribus insigniter, at typi fortasse ardentioris, quam ejus de qua tractamus, objicitur.

Temperamentum biliosum, (vel ut aliter nominatur Melancholicum, ob atræ bilis nimietatem), quia in regionibus ubi intermittentes grassantur, frequentissimum est, organaque quæ fellis secretioni inserviunt, plerumque turbantur, huic morbo maximam proclivitatem habet. Hoc casu, morbus si generaliter dicere fas est, in eas splenis et jecinoris indurationes desinunt, quæ vernacule "*Ague cakes*" vulgo nominantur: tumores oedematosi et magna debilitas succedunt, quæ symptomata nisi tollantur, vel alias morbos vel mortem ipsam tandem inducunt.

Quæ forte et casu accidunt.—Siquando parox-

ysmi breves, mites, et regulares sunt, morbus exitum felicem verisimiliter habiturus est; at si abnormis est, signaque veræ intermittenti aliena, veluti Syncope, Apoplexia, spasmus vehemens, torpor, vel quodvis ex organis magis ad vitam conferentibus, graviter affectum, functione ejus impedita, accedunt, periculum gravissimum metuendum erit. Si corpus quando miasma febrificum apponitur, alio quodvis morbo laborat, aggressu minus facile resistere poterit; hinc Intermittentes cum affectionibus organorum vitalium conjunctæ, inter mala gravissima habendæ sunt. Quum intervalla paroxysmorum brevia eunt, veluti in forma quotidiana, quia tunc vires quam maxime prostrantur, neque requies inter aggressiones adeo longa est, ut constitutu sese recipiat, et ad exacerbationes secuturas subeundas idonea evadat, pessimum erit. Hic morbus autem tali modo, non sæpe desinit; alicujus cavorum, visceris sæpius, affectionem vetustam, inducit. Cum hoc malum, simul cum affectione viscerum locali, adest, (quod ab iis qui regiones torridas inviserant, ibi haud raro accidere discimus), periculum augescet. Hoc verum esse conspexi, sub nostro cœlo temperato Hibernia, scilicet, ubi splenis et

jecoris morbi, curationem difficiliorem et tardior-
rem, morbumque ipsum sæviorem, reddidere.
Diurnitas Intermittentium, valde incerta est;
et ab hebdomadis paucis, ad annos aliquot variat;
plerumque vero, earum pertinacissima est Quar-
tana, quæ præterea, difficillime ad sanitatem per-
ducitur.

RATIO MEDENDI.

Hanc partem tentaminis, haud exigua diffi-
dencia in eo, ob multas imprimis mutationes, quas
Febris Intermittentis medela, vel, a cogitatione,
medentis præjudicata, vel praxeos, diversis tem-
poribus, consuetudine, diversa subiit; pauca tamen
de ea, quæ medentibus, jam maxime placere vide-
tur, proponam. Tria sunt, igitur, ut opinor, con-
silia a medico satisfacienda.

1mo, Paroxysmo progredienti, quam citissime
occurrere.

2do, Paroxysmis redituris prævenire.

3tio, Vim roburque corporis universi, sustinere:
quibus,

4to, Fortasse, adjicere liceat, nempe, Sympto-
mata singula allevare.

Imo, Paroxysmo progrediente quam citissime occurrere.— In hoc consilio satisfaciendo, cautela ob res quasdam necessaria evadit, tales sunt, Diathesis Sthenica, sive Phlogistica, vel sanguinis impetus, in aliquod ex visceribus, trium cavitationum majorum directus; quæ porro conditiones singulæ remediis, cuique idoneis tollendæ sunt, aliter enim remedium morbo ipso perniciosius fiat.

Medicamenta ad hoc usurpata generis antispasmodici sunt; quorum dotes medicinales antiquis minime incognitæ fuisse videntur; eos enim allium, sinapi, capsicum, et similia, ad hoc præcepisse invenimus. Opium, sub forma tincturæ copia ʒ ss., vel cum æthere sulphurico, eadem proportionem conjunctum, cum beneficio operato assumptum vidi; sed hoc haud secus ac alia remedia, omnia (quare nescio) inutile, conspexi. Emetica vel ad nauseam, vel ad vomitum plenum, devorata, sæpe auxilium secum afferunt. Ad morbi initium vomitoria meliora sunt, quia genus sanguiferum excitant, et canalem alimentorum, aliquando per catharsin deplent, et ad actionem medicaminum postea exhibendorum ventriculum magis aptum reddunt. Inter stadia vero

subsequentia, nauseantia tantummodo, magis idonea fient, quæ vi solvente lenem diaphoresin inducant. Stibii et Zinci præparationes, summo cum beneficio usurpatas vidi. Vide formulam subscriptam *.

Ad turbationes Primarum Viarum, semper respicere oportet, et usque, primo per cathartica, deinde per laxantia, tolli debent; aliter enim cætera remedia effectum careant. Ad prius consilium calomelanos extractum catharticum, pulvisque jalapæ simplex vel compositus, bene accommodantur; ad posterius, senna, rheum palmatum, manna, et sales neutri. Aliquando paroxysmus subigi nequit; at fere accidit quod signa leniora eveniant, et ægri molestia minuatur.

2do, Paroxysmo redituro prævenire.—Dum intermissio adest, tempus est optimum quo medicina aliquid boni agatur, et medicamenta, ad hoc laudata, valde diversa sunt; horum au-

* R. Antimonii Tartratis, gr. iv.

Aqua ferventis, ℥ ij. Misce, fiat Mistura.

Cujus capiat ℥ j. quadrante quaque hora, donec vomitus superveniat. Vel,

R. Sulphatis Zinci, ex gr. xij. ad ʒ j. pro emetico.

tem cinchona apud omnes maxime æstimatur, etsi pauca sunt medicamina, quibus usurpandis, quam huic, impedimenta plura objecta sunt. Illorum medicaminum, est quæ copia majore, et in morbi decursu perquam mature devorata prosunt. Non autem semper, adeo cito et largiter exhiberi potest; sæpe enim ob conditionem ventriculi irritabilem, iterum rejicitur; tali casu vero, doses parvas, et repetitas, vel cum opio conjunctas, vel forma enematum in anum infusas, experiri oportebit. Multum effectus ejus, ab administrationis modo pendet; pulvis quidem sæpissime præcipitur; cum tamen hanc formam nauseam facilius excitaturam esse verisimile videtur, infusum, decoctum, extracta aquosa vel alcoholica, aut tinctura, in locum illius sufficientur.

Arsenicum pro febrifugo aliquamdiu in honore fuit, at exploratione accurata instituta, constitutionibus quibusdam nocere compertum est; nihilominus in Febre Intermittente, remedium æstimabile est, et sub forma solutionis Dr^{is} FOWLERII, arsenitisque potassæ, plerumque exhibetur. Soluti exhibitionem nonnunquam gravia indicia, veluti vomitus, vertigo, visus jactura, tormina,

et alia symptomata perversa comitantur, ideoque, cum quovis cathartico aromatico, vel opiato, conjungi debet: ægerque levissimo incommodo sustentato, ab ejus usu statim abstinere jubeatur. Solutionis arsenicalis guttæ a duabus ad sex, vel plures (pro ægri ætate et viribus), bis in die, imperentur, et arsenitis potassæ grano a decimo sexto ad decimum quartum pro dosi ingeratur. Copia primo parva esse debet, et postea augeri; ut, quæ copia ægro optime conveniat, reperiatur, aliæ constitutiones enim aliis facilius afficiantur. Interdum hæc utraque medicamina inefficacia inveniuntur, et tali casu parum quidem ab aliis remediis ad consilium secundum satisfaciendum sperari potest; ideoque ad tertium transeundum est.

3tio, Vim roburque Corporis universi sustinere.—Non satis erit, paroxysmo semel, bis vel aliquoties obsistere, sed vires vitæ, constanter, auxilio subire, necesse fiet. Ad hoc aliquot remedia jam memorata usurpanda sunt; veluti tonica, quibus amara et astringentia amara adjiciantur. Cinchona in hoc stadio, consilio ac in duobus prioribus diverso, exhibetur; hic enim,

quasi tonica ad corpus contra vires morbi debilitantes sustinendum, at in prioribus, uti stimulans, præcipitur, ut actione cordis et arteriarum excitata, miasma febrificum superatum, ejusque actio subacta, foret. Generis secundi, amarorum, scilicet, multa in usu sunt; maxime laudata, autem esse videntur, infusa quassiae, gentianæ, anthemidis, leontodontis, et colombarum, quæ aut perse, aut cum cinchona conjuncta, exhibeantur. Alvus regularis, sed non nimis cita, servari debet, quod per aliquod leniter laxans, veluti electuarium sennæ, mannam, oleum ricini, salesque neutros, &c. efficiatur. Diæta tenuis, facilis concoctu et nutrienda, sit, omnesque liquores fermentatos et inebriantes, omni cura evitare oportet.

4to, *Symptomata singula allevare.*—Inter Febris Intermittentis decursum, aliquot signa, sese in apertum produnt, quæ etsi a Febre Intermittente idiopathica, aliena sint, non eo minus, animi attentionem insignem, sibi vindicant; quoniam iis, non sublati, vel saltem sublevati, curatio febris ipsius, si omnino effici potest, difficilissima evadat.

Harum paginarum limites, cunctas has affec-

tiones minute inspicere, non sinunt; et itaque tantummodo eas quæ sæpissime hunc morbum comitantur, et sua natura maxime molesta sunt, animadvertam. Quasdam ex iis adeo, pestiferas esse cognovi, ut morbum eo unde orirentur, magis complexum et sanatu difficiliorem, effecerint. Hujusmodi sunt tumores vel scirrhus jecoris et splenis, vel horum viscerum induratio quæ Anglice "*Ague-cake*" nomen habet.

Hæc nisi tollantur vel sublevantur, Hydropem, Icterus, Diarrhœam, seriemque symptomatum gravissimorum, inducant. Quamvis febris ipsa sistatur, hæc indurationes haud raro adeo pertinaciter manent, ut omni remedio obstent, et hydrargyro soli cedant. Hoc optime copia parva, at sæpe repetita, submuriatis hydrargyri, vel sub forma pilulæ hydrargyri, exhibeatur. Si Diarrhœa ab actione ejus in intestina supervenerit, hoc medicamen, cum opio jungatur, vel unguentum forte, lateri supra situm visceris affecti, imponi queat.

Interdum accidit, ut hoc forma quaque spem medici fallat, et remedia minus valida effectum speratum præstent. Portiones, conii maculati parvæ, a nonnullis laudatæ sunt; at hujus medi-

caminis efficientiæ, imperitus sum. Si hæc conditio indurata haud tollatur, hydrops plerumque succedit, a ramulis, ut verisimile apparet, venarum portarum obstructis, redituque sanguinis libero, a visceribus abdominis, sed præcipue chylopoieticis, impedito, unde copia lymphæ exhalatur major quam quæ per absorbentia exauriri possit. Siquando diarrhœa sponte accesserit, pulvere ipecacuanhæ compositæ, vel mistura cretæ, vel opiatis, optime compescatur.

Hic ergo tentamen meum mancum, de morbo adeo momentoso scriptum, ad finem perduco: multa vera de historia, causis, et ratione medendi, me præterisse fateor, quæ quidem ingeniis melius instructis illustranda, relinquo; et interea veniam illorum, qui has paginas forte perlegant, qua decet reverentia, posco.

FINIS.

The first of these is the fact that the United States is a young nation, and that its history is a history of growth and development. The second is the fact that the United States is a nation of immigrants, and that its history is a history of the struggle for a common identity. The third is the fact that the United States is a nation of free men, and that its history is a history of the struggle for freedom and justice.

The first of these is the fact that the United States is a young nation, and that its history is a history of growth and development. The second is the fact that the United States is a nation of immigrants, and that its history is a history of the struggle for a common identity. The third is the fact that the United States is a nation of free men, and that its history is a history of the struggle for freedom and justice.

APPENDIX

The first of these is the fact that the United States is a young nation, and that its history is a history of growth and development. The second is the fact that the United States is a nation of immigrants, and that its history is a history of the struggle for a common identity. The third is the fact that the United States is a nation of free men, and that its history is a history of the struggle for freedom and justice.

